

## **EKIRAGIRO KY'EITAKA (EKIHINDWIREMU) EKYA 2010**

### **ENKURATANA Y'EBICWEKA**

#### **Ekicweka**

1. Okuhindura omu kicweka ekya 31 eky'Ekiragiro ky'Eitaka
2. Okwongeramu ekicweka ekisya ekya 32A
3. Okuhindura omu kicweka ekya 35 eky'Ekiragiro Ekikuru
4. Okuhindura omu kicweka ekya 59 eky'Ekiragiro Ekikuru
5. Okuhindura omu kicweka ekya 92 eky'Ekiragiro Ekikuru

## **EKIRAGIRO KY'EITAKA (EKIHINDWIREMU) EKYA 2010**

**Eki n'Ekiragiro ekirihindahindura omu Ekiragiro ky'Eitaka kwenda kwongyera amaani omu kurinda bakama b'eitaka abahikire beenyini hamwe n'abo abatwire aha itaka omu buteeka kumara omwanya muraingwa haza ritari ryabo kandi eitaka eryo rihandikisiibwe nk'oku Ekicweka 237 ekya Konsitityushoni ya Uganda kirikuragiira, hamwe n'ebindi ebiine akakwate naky.**

**EBIRO OBU OMWEBEBEMBEZI W'EIHANGA YAATAHO OMUKONO:**  
06/01/2010

*Ebiro obu ekiragiro eki kyatandika kukora: 12/02/10*

**KIKAHINGUZIBWA** Paramenti nk'oku kyorekirwe ahaifo:

#### **1. Okuhindura omu kicweka ekya 31 eky'Ekiragiro ky'Eitaka.**

Ekicweka ekya 31 eky'Ekiragiro ky'Eitaka omu Kiragiro eki, ekirikwetwa 'Ekiragiro Ekikuru, kihindwirwemu kiti nk'oku kyayorekwa ahaifo-

- a) Hongyeirwemu ebigambo bwanyima y'akacweka (3c) kaheza kuhwayo ebirikugira biti-

#### **Disclaimer**

The Original of this translation is the English text of the Law which is the only authentic version for purposes of enforcement of the Law.

“(3d) Akakiiko ahu karikuba katagyerekire obushuuru bw’okushashurwa omushengi obwa buri mwaka omu meezi mukaaga bwanyima y’okutongozibwa kw’Ekiragiro ky’Eitaka eki (Ekihindwirwemu) ekya 2010, obushuuru obwo bubaasa kugyereka Minisita.

(3e) Obushuuru oburikugambwaho kushashurwa omu kicweka eki, nibuteekwa kushashurwa hatakahwireho omwaka bwanyima ya Minisita kuhanya obushuuru obugyerekirwe nk’oku kirikuragiirwa omu kacweka (3) nari uwe Minisita wenka yaaheza kugyereka obushuuru obwo nk’oku kiri omu kacweka aka (3d).”;

- b) Omu kacweka (6) hahindwirwe ebigambo ebi “emyaka ebiri” omu mwanya gwabyo haazamu ebi, “omwaka gumwe”.

## **2. Okwongyeramu Ekicweka ekisywa ekya 32A.**

Ekiragiro ekikuru kihindwirwemu obwo harikwongyerwamu ebi ahaifo bwanyima y’okuhwayo kw’ekicweka ekya 32-

**“32A. Bakama b’eitaka abahikire beenyini nari abashengire aha itaka eryo omu buteeka, baaza kubingwa aha eitaka eryo, biri baremirwe kushashura obushuuru.**

- 1) Mukama w’eitaka ohikire weenyine nari omushengi tarikwija kubingwa aha itaka erihandiikisiibwe (eriine ekyapa) kwihaho haaba hariho ebaruha erikumubinga aha itaka eryo kandi kooti yaaba niyo yaaragiira ku abingwa aha eitaka eryo kandi ekyo nikibaho bwanyima y’okuremwa kushashura obushuuru obwa buri mwaka etari endiijo nshonga yoona.
- 2) Kooti etakaragiire ku omuntu ogwo abingwa aha itaka eryo neeteekwa kubanza yaakuratira ebirikuragiirwa omu kicweka ekya 32 (1)
- 3) Kooti yaaba nehandiika ebaruha y’okubinga omuntu aha itaka eryo, neeteekwa omu baruha egyo erikumubinga omuntu ogwo aha itaka, kworeka ebiro by’okwezi ebitari ahansi y’ameezi mukaaga bwanyima y’ebiro ebyo ebiri omu baruha egyo ebi omuntu ogwo oriyo naabingwa arikuteekwa kuruga aha itaka eryo, erikumubingwaho. Kandi kooti ebaasa kuragiira ebindi eby’okukorwa ebirikukwata aha nshohoza y’ogwo orikumubinga arikubugana ahabw’okumubinga, ebi arikufeerwa ahabw’okubingwa aha itaka, okumukaita ahabw’okubingwa nari enshonga endiijo yoona ei kooti ebaasa kuteekateeka ngu ehikire.

- 4) Omu Kicweka eki, ekigambo “Kooti” nikimanyisa egyo kooti ei Omuramuzi ow’aha Idaara 1 nari Omuramuzi Omukuru arikuba niwe yaashara omushango ogwo nk’oku kirikuba kiri omu kooti egyo. Kandi okujuriza kukorwe kwegamiire Akakiiko k’omutaano akatoorainwe kuhurira bujurizi oburikukwata aha itaka nk’oku kiri omu Kiragiho ekikuru hamwe n’ebhindwirwemu kwenda kuhika aha nsharamu ey’aha muheru.

### 3. Okuhindura omu kicweka ekya 35 eky’Ekiragiho ekikuru

Ekicweka ekya 35 ky’Ekiragiho ekikuru kihindwirwemu kiti nk’oku kyayorekwa ahaifo-

- a) Ebi ahaifo byongyeirwemu bwanyima y’akacweka (1) kaheza kuhwayo-

“(1a) Nk’oku kirikuragiirwa omu kacweka aka (7), omushengi oshengire aha itaka haza akagyezaho nawe kushenza omushengi ondiiho aha itaka eryo, atabandize kwebuza ahari mukama w’eitaka eryo, naaba yaakora omushango kandi gwamusinga naaheereza omutango ogutarikurenzya sente kyenda namukaaga ezigyerekwa gavumentu (ninety six currency points) nari kukomwa omu kihome emyaka etarikurenga ahari ena nainga aheebwe ebifubiro byombiri. Kandi ebirikuba bwakorwa byona nibiba bitarikwikirizibwa omu biragiho haza omushengi ogwo obwanyinaitaka naaba yaaburekura bwagarukira mukama w’eitaka eryo ou riri omu maziina ge (oine ekyapa kyaryo).”;

- b) Ebi ahaifo byongyeirwemu bwanyima y’akacweka aka (7) kaheza kuhwayo-

“(8) Nk’oku kirikuragiirwa omu kicweka eki, habaho empindahinduka eitaka rikaruga omu mikono y’omuntu omwe rikaza omu y’ondiiho haza eki kireesirweho okuguza, okugaba eitaka, okuhungura eitaka nari omuringo ogundi gwona, eki tikirikwija kureetaho empindahinduka yona omu muringo gwona ahari ogwo orishengireho omu buteeka kandi mukama w’eitaka omusya naaragiirwa obutagira eki yaahindura aha baritwireho n’ebyo ebitwireho.”

### 4. Okuhindura omu kicweka ekya 59 eky’Ekiragiho ekikuru

Ekicweka ekya 59 ky’Ekiragiho ekikuru kihindwirwemu obwo harikwongyerwamu ebi ahaifo bwanyima y’akacweka (1) kuhwayo:

“(1a) ahu akakiiko karikugira eki kakora nari kakasharamu ngu ebikozirwe bihikire nari kaheereza eitaka omuntu haza ebyo byona bikashangwa

nibihakanisa/nibitaana n'ebiri omu akacweka (1)(a), byona ebirikukuba bikoziwe nibiba bitarikiwirizibwa omu biragiho kandi nibiba biri ebyabusha.

**5. Okuhindura omu kicweka ekya 92 eky'Ekiragiho ekikuru**

Ekicweka ekya 92 eky'Ekiragiho ekikuru kihindwirwemu kiti nk'oku kyayorekwa ahaifo-

a) Ebi ahaifo byongyeirwemu bwanyima y'akacweka (1) (d) kaheza kuhwayo-

“(e) orikugyezaho kubinga, orikubinga nari akeejumba omu kubinga mukama w'eitaka weenyine nari omushengi otwire aha itaka omu buteeka haza eitaka eryo rihandiikisiibwe hatariho ebaruha erikuruga omu kooti erikubinga omuntu ogwo aha itaka;”

b) Omu mwanya gw'ebigambo ebiri omu kacweka ka (4) hateirwe ebi ahaifo-

“(4) Omuntu orikusingwa omushango ogugambirweho omu kacweka (1) (c) naatanzibwa sente ezitarikurenga sente kyenda namukaaga ezigyerekwaga vumentu (ninety six currency points) nari kukomwa emyaka etarikurenga ena nina kuheebwa ebifubiro byombiri.

c) Ebi ahaifo byongyeirwemu bwanyima y'akacweka (5) kaheza kuhwayo-

“(5a) omuntu orikusingwa omushango ogugambirweho omu kacweka (1) (e) naakomwa omu kihome kumara emyaka etarikurenga ahari mushanju.”

d) (5b) omuntu ku arikusingwa omushango nk'oku kyorekirwe omu kacweka (5a), kooti ebaasa-

a) kuragiira owaasingwa omushango kukaita ogwo obingirwe aha itaka nari kushashura ebi omutu ogwo obingirwe aha itaka afeereirwe ahabw'okubingwa; nari

b) kuragiira ngu omuntu ogwo obingirwe aha itaka kurahirirwa ahabw'okubingwa.